



Inatsisartuni ilaasortamut
Mette Arqe-Hammeken
Naleraq

22-12-2025 Suliap nr.:
2024 - 10523 Akt. id.
25881584

Postboks 260
3900 Nuuk
Oq. (+299) 34 50 00
Nassitsigasuut (+299) 34 66 66
E-mail: miin@nanoq.gl
www.naalakkersuisut.gl

Meeqqat angerlarsimaffiup avataanut inissinneqartartut pillugit § 37 naapertorlugu apeqquteqaammut nr. 183-2025-mut akissuteqaat

Asasara Mette Arqe-Hammeken

Apeqqutitut qujanaq. Apeqqutit tullinnguuttut ataasiakkaarlugit saqqummersinneqarput, akissutinik tullegartiterlutik.

1. Ukiut tallimat kingulliit meeqqat nunatsinni angerlarsimaffiup avataani inissinneqarsimasut qassiuppat? Kommunikkaarlugit kisitsit perusunneqarput.

Kalaallit Nunaanni meeqqat ukiuni 2020-mit 2024-mut angerlarsimaffiup avataanut inissinneqarsimasut nalunaarsorneri tullunnguuttuni takuneqarsinnaapput. Isumaginnermut Aqutsisoqarfiup Kalaallillu Nunaanni Naatsorsueqqissaartarfiup kisitsisaataasa ataatsimoortinnerisigut paasissutissat suliarineqarput.

Meeqqat amerlassusaat eqqortut cpr.nr.		Ukioq				
Kommune	Suunera	2020	2021	2022	2023	2024
Avannaata Kommunia	Ilaqutariinnut inissinneqarsimasut	139	83	85	82	85
	Kommunit paaqqinnittarfii	2	1		1	
	Namminersortut/ paaqqutarinnittarfiit					
	nammineq pigisut	12	21	24	25	10
	Suliniut		2	3	3	
	Ulloq unnuarlu paaqqinnittarfiit					
Kommune Kujalleq	Namminersorlutik Oqartussanit pigineqartut	47	38	45	36	26
	Danmarkimi ulloq unnuarlu					
	angerlarsimaffinnut inissitat				2	2
	Ilaqutariinnut inissinneqarsimasut	94	88	94	98	115
	Kommunit paaqqinnittarfii	8	7	7	7	9



	Namminersortut/ paaqqutarinnittarfiit nammineq pigisut	17	13	14	18	26
	Suliniut			1	2	1
	Ulloq unnuarlu paaqqinnittarfiit					
	Namminersorlutik Oqartussanit pigineqartut	30	31	25	24	21
Kommune Qeqertalik	Ilaqutariinnut inissinneqarsimasut	107	116	117	111	52
	Kommunit paaqqinnittarfii	3	8	8	5	
	Namminersortut/ paaqqutarinnittarfiit nammineq pigisut	6	5	6	3	20
	Ulloq unnuarlu paaqqinnittarfiit					
	Namminersorlutik Oqartussanit pigineqartut	2	4	3	2	20
Kommuneqarfik Sermersooq	Danmarkimi ulloq unnuarlu angerlarsimaffinnut inissitat		5	1		
	Ilaqutariinnut inissinneqarsimasut	203	209	215	196	241
	Kommunit paaqqinnittarfii	3	3	3	3	
	Namminersortut/ paaqqutarinnittarfiit nammineq pigisut	104	100	112	123	123
	Suliniut	2	9	7	25	
	Ulloq unnuarlu paaqqinnittarfiit					
	Namminersorlutik Oqartussanit pigineqartut	130	127	127	119	103
Qeqqata Kommunua	Ilaqutariinnut inissinneqarsimasut	36	62	77	96	81
	Kommunit paaqqinnittarfii				3	
	Namminersortut/ paaqqutarinnittarfiit nammineq pigisut	11	19	22	32	35
	Suliniut				1	
	Ulloq unnuarlu paaqqinnittarfiit					
	Namminersorlutik Oqartussanit pigineqartut	11	15	7	18	23
Kisitsisit pingaarnerit		910	898	935	944	934

2. Ukiumut katillugu meeraq ataaseq angerlarsimaffiup avataanut inissitaq qanoq naleqarpa?

Meeqqanut angerlarsimaffiup avataanut inissinneqartartunut aningaasartuutaasartut nikerarput, neqeroorutip atorineqartup suunera apeqqutaalluni. Aningaasartuutaasartut annertussusaat sanilliussinnaanissaat piuminarsarniarlugu ingerlatseriaatsit nalinginnaanerpaat apeqqutaatinnaq ukiumut aningaasartuutaasartut agguaqatigiissinneri tullinnguuttuni saqqummersinneqarput.

Suunera	Meeqqamut ataatsimut ukiumut agguaqatigiissillugu	Meeqqamut ataatsimut qaammammut agguaqatigiissillugu
Imminnut pigisunut inissinneqarsimasut	1419.558 kr,-t	120.143 kr.
Namminersorlutik Oqartussanit pigineqartut	1.269.357kr.	106.230 kr.
Kommunit pigineqartut	912.500 kr,-t	76.042 kr.



3. Inissiineq pisariaqalersimappat peqqutit assigiinngitsut suuppat?

Meeqqat tapersersorneqarnissaannut Inatsisartut inatsisaanni nr. 20. 26. juni 2027-meersumi § 27 naapertorlugu .meeqqap angerlarsimaffiup avataanut inissinneqarnissaa isumaginninnermi misissuinerup pisariaqartoq takutippagu meeqqap ikorfartorneqarnissamik immikkut pisariaqartitat naammassisinnaajumallugit akuersititseqqarluni inissiisoqartarpoq. Meeqqat tapersersorneqarnissaannut Inatsisartut inatsisaanni nr. 20. 26. juni 2027-meersumi § 28 naapertorlugu akuersiteqqaarnani meeqqanik angerlarsimaffiup avataanut inissiisoqarsinnaavoq meeqqap peroriartorneranut, peqqissusianut ineriartorneranulluunniit ilungersunartumik ajoquserneqarnissaa aarlerinarluinnarpat makku pissutigalugit:

1. Meeqqamut amigartumik isumassuisoqarpat isumassuisoqangippalluunniit,
2. Timikkut tarnikkulluunniit persuttaaneqarsimappat, paarsinerluttoqarsimappat kinguaassiutitigulluunniit innarliisoqarsimappat,
3. Meeqqami imaluunniit meeqqap qanigisaanik atonerluinermik ajornartorsiuteqartoqarpat, pinerlunniartartoqarpat allatigulluunniit inuuniarnikkut annertuunik ajornartorsiuteqartoqarpat, imaluunniit
4. Meeqqami meeqqalluunniit qanigisaanik pissutsikkut naleqqussarnissamut allatigulluunniit ajornartorsiuteqartoqarpat.

Meeraq pitsaanerpaamik piniarlugu tassanngaannartumik inissiisoqassanatinnagu pineqartuni marluusuni isumaginninnikkut misissuinerit ingerlanneqaqqaartassapput iliuussissanillu pilersaarusiortoqarluni.

4. Angerlartinneqariaannartut nalilikkat qassiuppat?

Meeqqap angerlartinneqarnissaminut piareersimanera kommunit nalilertarpaat. Taamaattumik apeqquteqaatit saqqummiunneqartut Naalakkersuisunit imaaliillaannaq akineqarsinnaanngillat. Paasissutissat pissarsiarineqarnissaat kissaatigineqarpat kommuninut pineqartunut saaffiginnittoqarnissaa innersuussutigineqarpoq.

5. Angerlarsimaffiup avataani inissiinnermi meeqqap kissaatai tusaaneqartarpa?

Meeqqat tapersersorneqarnissaannut inatsisartut inatsisaanni nr. 20, 26.juni 2017-meersumi § 43 naapertorlugu meeqqamik ikiorsiinissamik suliniuteqarnernik kiisalu ikiorsiinissamik suliniuteqarnernik unitsitsinissamik aalajangiisoqalersinnagu, meeraq oqaloqatigineqaqqaassaaq. Meeqqanik angerlarsimaffiup avataanut inissiinissaa aammalu meeqqap siunissaa eqqarsaatigalugu kissaatigiunnagai suliami ilaatinneqassaneri kommunimit nalilerneqarlunilu isummerfigineqartarpoq. Meeqqat tapersersorneqarnissaannut Inatsisartut inatsisaanni nr. 20, 26. juni 2017-meersumi § 43 imm. 3 naapertorlugu oqaloqatigiinnissaq pinngitsoortinneqarsinnaavoq meeqqap perorsimassusia imaluunniit oqaloqatigiinnerup ingerlanneqarnissaanut suliap qanoq ittuunerata aalajangiisumik oqaloqatigiinnissaq pissanngitsutut isikkoqartippagu.

a. Taamaanngippat, kina tusaaneqarnerusarpa?

Apeqqut 5-imut akissut innersuussutigineqarpoq.



6. Angajoqqaanut iliuuserineqartartut suuppat taamaalilluni meeqqatik utertissinnaaniassagamikkit?

Angajoqqaat meeqqaminnik utertitseqqissinnaanissaanut periarfissat pitsanngorsarniarlugit Naalakkersuisut arlalinnik suliniuteqarput. Suliniutit angajoqqaanut taakkulu attavigisartagaanut attuumassuteqarput aammalu inissiisarnermut tunngatillugu sulianik suliaqartartunut atuomassuteqarsinnaallutik. Periusissatut qiutillugu suliniutigineqartussaq tassaavoq ilaqutariinik isumasiuisarnerit periutsit atorneqarneqalernissaa. Taamatut periuseqarsinnaanissaaq piffissami sivisuumi eqqartorneqarsimavoq taamaasiornikkut angajoqqaat taakkulu attavigisartagaat aalajangiiniarnermi toqqaanartumik akuutinneqarsinnaassammata. Periuseq taana atorlugu ilaqutariit taakkulu attavigisartagaasa nukissaat paasiniarneqarsinnaalissapput, meeqqallu toqqissilluni angerlarsinnaanissaa ataatsimoorluni pilersaarusiorneqarsinnaalissalluni.

a. Angajoqqaanut iliuutsit pisortanut qanoq aningaasartuutaatigisarpat?

Suliniutinut Naalakkersuisut aallartissimasaanut aningaasaliissutit Aningaasanut Inatsimmi aningaasaliissutini ataasiakkaani takuneqarsinnaapput. Suliniutissat suliniutaareersunut ingerlateriikkanilu ilaareerput, taamaattumillu suliniutinut ataasiakkaanut aningaasartuutissat immikkoortillugit missingerneqarsinnaagatik.

7. Meeqqat angajoqqaaminnut utertitsiniarnerannut aqqufit suuppat qanorlu sivilutigisarpa?

Meeqqat tapersersorneqarnissaannut Inatsisartut inatsisaanni nr. 20, 26. juni 2017-meersumi § 40 naapertorlugu ikorsiinissamik suliniuteqarnerit, ikorsiinissamillu suliniuteqarnerit immikkut ittut kiisalu ikorsiinissamik suliniuteqarnerit sukannerit, kiisalu tamakku pillugit suliniuteqareermermi malitseqartitsilluni suliniutit unitsinneqassapput taakku malillugit sulinermi anguniarneqartut anguneqarpata, imaluunniit ikorsiinermik suliniuteqarnikkut siunertarineqartut tunngavissaarukkaangata.

Meeqqat tapersersorneqarnissaannut Inatsisartut inatsisaanni nr. 20, 26. juni 2017-meersumi § 41 naapertorlugu angerlarsimaffiup avataani inissiinerup atorunnaarsinnissaa pillugu kommunalbestyrelsip aalajangiinissaa sioqqullugu, kommunalbestyrelsip qulakkeersimassavai:

1. Angajoqqaatut oqartussaassusillip, ilaatigut Inatsisartut Inatsisaat una malillugu, ikiuinissamik suliniuteqarfigineqarluni meeqqap pisariaqartitaanik naammassinnissinnaanera,
2. Meeqqamik oqaloqatiginnittoqarsimanera
3. inissiiffiusumit allaganngorlugu oqaaseqaammik pissarsiniartoqarsimanera
4. Meeqqap angajoqqaallu angerlartitsinissamut piareersarluarsimanerat
5. Angerlartitsinissamut iliuusissatut pilersaarusiortoqarsimassaaq kiisalu meeqqap angajoqqaatullu oqartussaassusillip piffissami angerlartitsinerup siuninngua kingornalu meeqqap attaveqarfigisartagarisimasinnaasaasa ikiorserneqarnissaannik piareersaasoqarsimassaaq.

Kommunit ataasiakkaat suleriaasiat apeqqutaalluni angerlartitsinissamut piffissaq atorneqartussaq allanngorsinnaassarpoq.

8. Angerlarsimaffiup avataanut inissitaq angajoqqaaminut angerlartinnera inuiaqatigiinnut allaffissornikkullu allatigullu aningaasartuutit qassiusarpat?



Meeqqanik angerlartitsisarnermut atatillugu allaffissornermut soorunami aningaasartuuteqartoqartarpoq taakkuli kommuninit isumagineqartarput annertussusaallu suliamiit suliamut allanngorarsinnaasarlutik. Taamaattumik aningaasartuuteqqissaat saqqummiunnissaat periarfissaqanngilaq.

9. Inissiiniarnermi sooruna ilaqquttat qaninnerit inissiffigineqarneq ajortut?

Meeqqap angerlarsimaffiup avataanut inissinneqarnissaanik nalilersuinerit meeqqat kissaataat ilanngullugit suliat ataasiakkaat suliarineqarnerinut atatillugu kommuninit isumagineqartarput. Taamaattumik apeqqutit Naalakkersuisunit erseqqinnerusumik akissuteqarfigineqarsinnaanngilaq. Paasissutissat pissarsiarineqarnissaat kissaatigineqarpat kommuninut pineqartunut saaffiginnittoqarnissaa innersuussutigineqarpoq.

Inussiarnersumik inuulluaqqusillunga


Jens-Frederik Nielsen
Naalakkersuisut Siulittaasuut